

## **Lescha davart la zona da ruaus per selvaschinas dalla vischnaunca da Trun**

Sebasond sin art. 27 al. 2 dalla lescha cantunala da catscha relai la vischnaunca da Trun suandonta lescha.

### **Art. 1 Intent**

La zona da ruaus per selvaschinas ha igl intent da proteger la flora e la fauna d'in diever public excessiv. Surtut duei la selvaschina buca vegnir disturbada en ses quartiers d'unviern per evitar donns vid la vegetaziun.

### **Art. 2 Territori**

La zona da ruaus per selvaschinas cumpeggia il territori indicau ella carta geografica 1 : 10'000. Igl extract dalla carta ei part integral da questa lescha.

### **Art. 3 Scamond**

Naven dils 20 da december entochen ils 15 d'avrel eis ei scumandau da passar en la zona da ruaus per selvaschinas. Tier relaziuns climaticas extraordinarias sa la suprastonza communal scursanir ni prolunghir il temps dalla zona da ruaus correspondentamein.

### **Art. 4 Excepziuns**

Tut las activitads agricolas e forestalas ein lubidas enteifer la zona da ruaus. En la zona da ruaus astga vinavon vegnir entrau per acziuns da salvament ed entras personas officialas (survigiladers da catscha, selviculturs, luvrers d'uaul e polizists).

### **Art. 5 Controllas**


Tut las personas che sesanflan denter ils 20 da december ed ils 15 d'avrel (ni correspondent art. 3 era tochen in auter termin fixau entras la suprastonza communal) en il territori menziunau, ein obligadas d'indicar lur persunalias per la denunzia sin damonda dils organs da survigilonza da catscha, dils organs forestals e dils funcziunaris communsals che selegitimeschan sco tals.

### **Art. 6 Castitgs**

Igl entrar en la zona da ruaus per selvaschinas vegn castigiaus cun ina multa disciplinara (Art.1b, annexa 2, XII. 12003 OBV / Art. 7a OBVJ).

### **Art. 7 Approbaziun e vigur**


Questa lescha ei vegnida approbada entras la votaziun all'urna dils 28-11-2021 e passa immediatamein en vigur.

  
Il president communal  
Dumeni Tomaschett

  
La canzlista communal  
Sandra Gautschi



# Vischnaunca da Trun



Das Urheberrecht an diesem Plan steht dem Bund dem Kanton und der Gemeinde zu. Widerrechtliche Vervielfältigung wird nach dem Urheberrechtsgesetz vom 09. Oktober 1992 verfolgt.

## 1:10'000

30.09.2021  
**Straub AG**  
Ingenieure + Geoinformatiker  
Via Hans Emi 15  
7130 Illanz  
Tel. 081 920 02 90